

1562. Officio eorumdem.

§.30. Et idem Extraordinarius major, & ejus substitutus, ac minores Extraordinarii cogere possint quoscumque etiam per detentionem corporum, ut permittant ponderare carnes, & alia omnia, quae sub eorum cura sunt, & pretium denuntient, & recusantes pro prima vice puniantur in duplum valoris rei penes eos inventae, & pro alia vice, si illud idem admiserint, in duplum, & alia etiam corporali arbitrio Conservatorum, & nihilominus Extraordinarius, & ejus substitutus, ac alii minores Extraordinarii praedicti omnia Conservatoribus denuncient, & res taliter inventas nullatenus sibi retineant, sed ad ipsos Conservatores deferre teneantur. Et Barigellus, ac alii executores quorumcumque Curiarum eidem Extraordinario majori, & ejus substituto in praedictis, ac aliis eorum officium concernentibus obedire teneantur.

Mandatorum executione.

§.31. Mandata executiva quaecumque, tam in civilibus, quam in criminalibus, & quibuscumque Judicibus decreta, passim & indistincte ubique, tam in Urbe, quam in Burgo, & Ripa, nulla locorum distinctione habita, absque alicujus licentia, & praesertim Capitanei, & Judicis Burgi, ac Camerarii Ripae, per quoscumque executores libere executioni demandentur: nec executio, sub eo etiam praetextu, quod locus Judicis, qui mandatum decrevit, subiectus non sit, aliquo modo impedi possit.

Magistrorum Viarum taxae, in vendendis locis ad exponenda venalia &c.

§.32. Magistri viarum, a Pistoribus, Lanis, Salmentariis, Fructuosis, & ceteris hujusmodi pro pretio locorum ad exponenda venalia, tam in plateis, quam in viis illis concedi solitorum exigant quartam partem minus, quam hactenus exigi consueverit, praeterquam a deferentibus res venales ad mercatum in platea Agonis, a quibus nihil profus exigere possint.

Eorumdem officio.

§.33. Ad strata lateritia in viis, prout opus esse eis videbitur, dominos contiguarum domorum cujuscumque sint dignitatis, aut si ipsi abfuerint, vel solvendo non sint, illorum inquilinos juris remediis opportunis, ac sub eorum arbitrii poenis cogant. Curent ex pecuniis, quae ab Urbis artificibus exiguntur, & deponuntur, etiam a carcerariis, quae similiter deponuntur, nec ab eisdem magistris quovis modo percipiuntur, vias ejusdem Urbis continuo, ac Agonis, & ceteras plateas dictae Urbis ad minus quater in anno, idemque in Martii, Junii, Septembris, & Decembris mensibus, munditiis purgari. Nullos actus, nullaque negotia, quae alicujus momenti fuerint, sine rogatu sui Notarii expediant.

Submagistrorum relationibus.

§.34. Submagistri vero illorum, relationes, quas tamquam periti facere solent, non nisi mediante juramento faciant, & si quid dolo vel fraude egerint, perjurii, & alias poenas arbitrio Camerarii & Clerici Camerae pro tempore Praesidentis incurrant, & ad interesse partibus condemnentur.

Magistrorum edictis.

§.35. Edant in initio eorum officii proclamata sub nomine dicti Camerarii, & de poenis in illis contentis, ac statutariis nullam sine ejusdem Camerarii, aut saltem

Cleric. praesidentis mandato gratiam facere possint. In ceteris tam quoad appellationes ab eorum sententis, quam quoad reliqua omnia, observent nova, & vetera statuta.

§.36. Advocatus pauperum sollicitus studeat ne carcerati in aliquo, tam a Judicibus, quam etiam ab executoribus, & carcerum custodibus graventur. Et propterea non desit unquam in visitationibus carcerum, tam publicis, quam privatis, & Procuratores pauperum, ac illorum substitutos, & etiam Carcerum Visitatorem singulis hebdomadis una vice ad se evocet, & de omnibus carceratis, praesertim his, qui in feccis detinentur, diligenter se informet. Et si ipsos Procuratores vel Substitutos, & Visitatorem negligentem invenerit, Visitatoribus Carcerum denunciare, ac ut de aliis provideatur, inflet. Et cum ratione officii sui gratis pauperes defendere, & illis patrocinari debeat, nihil profus ab illis accipiat. Et ut facilius ipsis pauperibus operam suam impendere possit, Visitator Carcerum quolibet die post visitationem carceratorum ad ipsum accedere, & ipsi nomina eorum, qui in dies carcerantur, in scriptis, & pariter etiam Judicibus deferre teneatur.

§.37. Procuratores vero eorumdem pauperum, & ipsorum substituti, singulo quoque die carceres visitare, & nomina omnium, qui ad illos ducuntur, ac Judicum, de quorum mandato, ac etiam causas eorum detentionis, & diem cum ad largam ponuntur, & an ante vel post prandium, sive coenam, adnotare teneantur. Et similiter pecunias, & alias quascumque res, quas invenerint repertas fuisse penes ipsos carceratos, & deinde omnia ad notitiam dicti Advocati deducant, ad quem etiam, quod ab ipso minime requisiti fuerint, semel in hebdomada, & interim toties quoties carceratis opus erit, accedant. Nihil omnino accipiant a pauperibus, nec etiam ab aliis carceratis, etiam quod divites sint, sine speciali licentia Gubernatoris, aut saltem pauperum Advocati. Non possint aliquo modo dicti Procuratores, & Substituti contra reos ad offensam, etiam si extra carceres ipsorum reorum causa agatur, neque etiam Advocatus patrocinando, vel alios quomodolibet sub quovis praetextu intervenire.

§.38. Fiscus Advocatus in omnibus causis criminalibus, & alias Fiscum tangentibus, ubi articuli juris emerferint, interveniat, & Procurator Fisci ipsum super hoc omnino requirere teneatur, & in eis absque ullo premio patrocinetur. Possit tamen ab instigatoribus propriam injuriam, vel interesse prosequentibus, si quid sponte dare voluerint, illud percipere. Idemque in omnibus Visitacionibus carcerum adesse teneatur, nec reorum etiam extra carceres existentium defensionem assumat, sed pro veritate, & justitia causam Fisci tueatur.

§.39. Procurator autem Fisci in primis prospiciat, quod sicut in admissione ad ejus

Advocati pauperum officio.

Procuratoris pauperum officio.

Advocati Fiscalis officio.

Procuratoris Fiscalis officio, in causis prosequendis.

Fiscus a reis nihil, ac ab instigatoribus moderate recipiat.

Et de expensis contumacialis instigatoribus, & Notario, impensum, vel debitum solvat, & residuum retineat pro se.

Citationesque expediat.

Capitulum non committat nisi &c.

Appellet, & deinde Signatura jusset de admissione, vel rejectione suae appellationis.

officium in Camera Apostolica de illud recte, & fideliter administrando juramentum praestat, ita in illius prosecutione taliter se gerat, ut causam nullam promoveat, quam calumniosam esse cognoverit, & cum primum de calumnia post litem coeptam, vel de rei innocentia constiterit, ab illa desistat, & aliter non expectata sententia.

§.40. Et cum ratione sui officii cogatur ad introducendas causas, in quibus de interesse Fisci agitur, nihil omnino ab instigatoribus accipiat pro decreto, vel subscriptione cujuscumque monitorii, etiam ad personaliter comparandum. In prosecutione vero causarum non nisi moderate pro labore per eum, sive ejus substitutos ad utilitatem, & commodum eorumdem instigatorum subeundo. Nihil vero accipiat a reis sub quovis praetextu, & praesertim ab iis, qui obtinuerint sententiam absolutoriam, a qua ipse Procurator appellare noluerit. Nec etiam pro appositione manus in mandatis de relaxando, quibus nihilominus custodes carcerum, ubi id eis a Judicibus committitur, expresse sine dicti Procuratoris Fisci manus appositione obedire, & carceratos dimittere teneantur.

§.41. Quoad expensas contumaciales, vel quae alias a reo reficiuntur, si instigator aderit, sive apertus sive secretus, qui ipsas fecerit, ipsi instigatori Procurator Fiscalis, cui ratione condemnationis solvenda veniunt, restituat, ubi vero nullus adfuerit instigator, satisfacto prius de illis Notariis pro mercede laborum suorum, residuum dictarum expensarum (cum non sit justum reum ex contumacia sua commodum consequi debere) eidem Procuratori Fisci persolvatur. Reos non interroget, nec testes examinet, nisi in praesentia Judicis, & pro assistentia sive examine reorum, vel testium sive ad offensam, sive ad defensionem, vel alias pro reo indutorum, nihil profus accipiat, nec etiam sui substituti accipiant, & ubi in termino citationis examini testium non interfuerit, vel interrogatoria non dederit, testes induci sine ulteriori dilacione examinentur.

§.42. Citatus originalem citationem, non possit retinere penes se ultra diem, sed illam Cursori restituere sequenti die teneatur, illius copia dimissa si voluerit. In qua citatione pars ad cujus instantiam, sit nomen Notarii, in cujus officio causa tractatur, vel tractari debet, & Procuratoris, si principalis ab sit ab Urbe, apponere debeat, alioquin dicta citatio nulla censetur, nec ipsum Procuratorem Fisci afficiat.

§.43. Non det mandata de capiendo quempiam voce, vel in scriptis, nisi ubi adfuerit periculum fugae, & Judicis copia incontinenti haberi non possit.

§.44. Et cum ad Signaturam spectet causam appellationum nomine dicti Procuratoris Fiscalis a sententis contra cum latis interpositarum rejicere, vel committere, idem Procurator appellare non prohibetur. Verum quoad illarum rejectionem vel commissionem pro causarum, & perso-

Superfluous causarum civilium non procuret.

Remissoria Fisco, & instigatori denegandis.

Litterae pro capiendis indicis quando dantur.

Dilationes reis quae conceduntur.

Compositiones cum quibus tractandae.

Absolutio cum cautione non requirenda.

Fiscus quando appellatione prosequatur si ad sit instigat.

Fiscus interesse statim ostendat.

Fisco ubique citando.

Fisci facultate deponandi substitutos.

narum qualitate Signatura ipsa occurrentibus casibus hujusmodi providere poterit, in cujus commissionis Signatura citetur prius, antequam signetur, pars, quae sententiam absolutoriam obtinuit, & aliter Signatura nullius sit roboris, vel momenti.

§.45. Et cum officium Procuratoris Fisci principaliter quoad causas criminales consistat in prosecutione vindictae publicae, non se intromittat pro obtinendis inhibitionibus de superfedendo in causis civilibus, & praesertim praetextu usurarum, nisi ubi de jure ad ejus instantiam inhiberi potest.

§.46. Nec ei, vel etiam instigatori concedatur remissoria etiam praetextu indulti a fel. rec. Paulo III. concessi, nisi in casibus, in quibus alias de jure concedi debet.

§.47. Minus si concedantur litterae ad partes pro capiendis indicis, nisi prius dato aliquo summo arbitrio Judicis, a quo impetrantur, & tunc non committantur alteri, quam loci Ordinario, vel ejus Vicario, nisi subsistente probabili causa suspicionis.

§.48. Nec etiam dilationes non necessariae, nec debito longiores, quinimmo potius studeant Judices quam primum causas expedire, ne rei diutius tadio carceris, vel laboribus, & expensis fatigati, compungere, & se redimere cogantur.

§.49. Procurator praefatus cum pro debito ejus officii curare debeat, ut rei puniantur, non tractet de compositione cum ipsis reis, sed expeditioni causarum incumbat, & ubi reus compositionem fieri petierit, non fiat nisi cum interventu Judicis, & ipsius Procuratoris Fisci.

§.50. Nec ad ejus instantiam, aut alias ex officio ejus absolutus definitive a crimine cogatur dare cautionem de se representando, vel non discedendo ab Urbe.

§.51. Non prosequatur causam appellationis a sententia contra eum lata, ubi ad sit instigator, secretus, vel apertus, nisi data cautione per eundem instigatorem de reficiendo expensas, tam prioris, quam ulterioris instantiae in eventum succumbentiae.

§.52. Non audiatur Fiscus protestando causam, quae agitur inter privatos, non expediri nisi ipso citato sub praetextu interesse ipsius, nisi de illo incontinenti, quantum Judici sufficere videbitur, docuerit.

§.53. Et ut delicta impunita non remaneant, interveniat etiam in Curia de Sabelis, Ripae, ac Burgi. Et cum sit Fiscus, & Camera Apostolica Procurator generalis, rationi convenit, ut de omnibus criminibus, & causis Fiscum ipsum tangentibus notitiam habeat.

§.54. Propterea ad eum spectet Procuratores Fiscales, uti ejus Substitutos in terris Sanctae Romanae Ecclesiae deputare, quos Legati etiam de Latere cum literis patentibus dicti Procuratoris Fiscalis ad eorum officia admittere teneantur, & admitti faciant. Qui substituti sub poena privationis eorum officii, ac aliis arbitrio nostro imponendis, ipsum Procuratorem generalem de omnibus Fiscum ipsum concernentibus, & pra-

Prohibitione participandi cum eis.

Fisci Capitolii Statutis.

Poenarum in fisione in contravenientibus.

Taxa a Notariis servanda.

Officiorum Notariorum arrendis.

Substitutis per eos recipiendis.

Actis prohibitis a duobus scutis infra. Registra fieri juxta Motum proprium.

Copis indicatorum.

& praesertim de sententiis tam absolutioribus, quam condemnatoriis certiores facere debeant.

§.55. Caveat autem idem Procurator generalis, ne a dictis ejus Substitutis, sive pro substitutione facienda, sive quavis alia ratione, vel causa quicquam recipiat, sed omnia emolumenta eisdem Substitutis libere, & integre dimittat.

§.56. Procurator Fisci Curiae Capitolinae, in omnibus, & per omnia illud idem observet, quod Camerae nostrae Apostolicae Procurator, quoad ea videlicet Capitula superius adnotata, quae ipsum etiam concernere, & sibi convenire possint.

§.57. Et si plus vel a personis supra prohibitis, aut alias quam ut supra adnotatum fuit, omnes supradicti receperint, vel super hoc contraverint, majores Judices, & Advocati sententiam excommunicationis, & arbitrii nostri poenas, inferiores autem, & omnes alii supradicti ultra dictam excommunicationis sententiam, etiam privationis officii poenam incurrant, & alias arbitrio nostro puniantur.

§.58. Notarii Curiarum supradictarum, tam criminalium, quam civilium causarum non exigant, nisi juxta taxam eis praescriptam, & si plus exegerint, pro prima vice, viginti quinque, pro secunda quinquaginta, & pro tertia centum scutorum, & privationis officii, ac etiam corporales arbitrio Judicum imponendas poenas respective incurrant. Quam taxam in vulgari sermone scriptam in eorum officiis, sub eisdem poenis appensam, ita quod ab omnibus legi possit, habere teneantur.

§.59. Exerceant eorum officia per se ipsos, nec illa arrendent sine licentia Judicum, exceptis Notariis Gubernatoris, Burgi, de Sabellis, Ripae, Turris Nonae, & Ripettae, ac Capitolinis, qui nullo modo illa sine expressa licentia nostra etiam in scriptis obtenta arrendare possint.

§.60. Nec substitutos recipiant, nisi ab ipsis Judicibus approbatos, pro quibus ad damna, & interesse, quae illorum culpa partibus evenierint, etiam si ipsos exhibuerint, & solvendo non fuerint, teneantur, & obligati sint.

§.61. Nihil scribant in causis a duobus scutis infra sine speciali licentia Judicum.

§.62. Non conficiant registra, nisi juxta formam nostri Motus proprii, nec illa vel etiam extractus in causis ordinariis, etiam utraque seu altera partium petente, nisi de Judicum licentia in scriptis obtenta, vel nisi acta essent ad alium Judicem transportanda. In causis tamen excedentibus summam ducentorum scutorum, dummodo non sint causae mercedum, & miserabilium personarum, vel alias tales, in quibus executive proceditur, si commissiones supervenerint, registra conficere possint, servata semper in reliquis forma dicti Motus proprii nostri.

§.63. Nec pro copia indicatorum, quam effectualiter reo non dederint, quicquam percipere, nisi loco arrhae habeant, & ubi

reus amplius ipsam copiam habere noluert, etiam quoad arrham dederit, ab ipso non exigant, nisi pro rata copiae confecta.

§.64. Notarii Capitolini deservientes Collateralibus Senatoris pro actuariis non possint esse ultra numerum viginti, nec recipi nisi servata forma Statutorum, sed ad dictum numerum reducuntur ad electionem Senatoris, & Conservatorum, & per se ipsos coram Collateralibus acta conscribant, nullumque aliud officium Notariatum in alia quavis Curia obtineant.

§.65. Et tam ipsi, quam ceteri Notarii Curiarum Capitolii, ac etiam Scribae Senatoris, & Secretarius Conservatorum, pro eorum mercede non accipiant ultra taxam eis a Statutis limitatam, & ubi non sit a Statutis limitata juxta taxam Notariorum causarum civilium Gubernatoris accipiat, excepto Notario Magistrorum vicarium, qui indistincte exigere possit secundum dictam taxam Notariorum Gubernatoris.

§.66. In criminalibus vero Protonotariis, & Notariis maleficiorum Senatoris taxam Notarii in criminalibus dicti Gubernatoris, prout, & Notarii aliarum Curiarum, etiam Auditoris, & Vicarii observent, & nihil ultra quocumque praetextu accipere audeant.

§.67. Non deferant Notarii praefati Capitolii extractus ad Judices, nisi prius per Correctores, aut per unum ex eis visitatum fuerint, & nihil praeter arrham antedictam taxationem recipere possint, quam taxationem intra terminum unius diei a receptione dicti extractus correctores absque ullo premio faciant.

§.68. Eorundem Notariorum Capitolii in posterum decedentium, & etiam defunctorum haeredes, & quicumque alii eorum scripturas detinentes, intra quindecim dies ab obitu ipsorum Notariorum, & publicationis praesentium respective computandos, dictas scripturas, & nomen Notarii, cujus fuerint, sub poena amissionis dictarum scripturarum, & illarum emolumentorum, Secretario Conservatorum, denuncient, & praefatus Secretarius librum teneat, in quo denunciations hujusmodi scribat.

§.69. Nullus ex Notariis etiam Cameralibus, & Auditoris Camerae, nec eorum Substituti de instrumentis, quae extra judicium sicut ad referendum alteri Notario, seu Connotario, se rogare possint, sed Notarii principales per se ipsos, & eorum Substituti pro ipsis Notariis, in quorum officiis commorantur, de instrumentis se rogent, non autem ad alteri referendum.

§.70. Nec possint Notarii omnium Curiarum supradictarum in futurum obtinere plura officia Notariatus in diversis Tribunalibus, sed officia Notariatus hujusmodi inter se incompatibilia censeantur.

§.71. Et tam ipsi Notarii, quam eorum Substituti, non possint esse Procuratores

Notariorum Capitolii numero electione &c.

Taxa eorumdem.

Protonotarii, & Notarii criminalis Capitolii taxa.

Extractum taxatione.

Notariorum eorumdem decedentium scripturas.

Regitrus ad referendum prohibitione.

Plurium Notariorum retentione data.

Et procuracione.

Consulium artium statutis.

Jurisdictioneque.

Notariorum Artis taxa.

Assessorumque eorumdem.

Judicis Turris Nonae jurisdictione.

Notariorum ipsius taxa.

Curarum Praepositorum taxa pro citationibus &c.

tores in Curia, in qua Notarii sunt, & officium Substituti exercent.

§.72. Consules artium quarumcumque observent eorum statuta legitime approbata, ac usu recepta.

§.73. Nec reassumant causas, praesertim mercedum, & miserabilium personarum coram majoribus Magistratibus introductas.

§.74. Et illorum Notarii taxam eis per dicta statuta praescriptam, & ubi aliqui ipsorum nullam habuerint minorem taxam, aliorum, qui illam habuerint, sequantur, & secundum illam exigant.

§.75. Assesores autem dictorum Consulium, ac aliorum officialium Curiae Capitolii salarium non habentes, caveant ne in causis minimis, videlicet a quinque scutis infra quicquam pro eorum voto, & consilio, & in aliis non ultra sportulas dictis statutis taxatas percipiant.

§.76. Judex Turris Nonae non se intromittat in causis a decem scutis supra, nec in criminalibus, nisi levibus & minimis.

§.77. Eiusque Notarius observet tabulam Notariorum Curiae de Sabellis, cujus Notariatus officium per obitum illud nunc obtinentis extinctum sit, & suppressum, esse censeatur, prout in eventum praedictum illud ex nunc prout ex tunc suppressimus.

§.78. Cursores nostri pro qualibet citatione, inhibitione, vel quavis alia intimatione cujuslibet actus judiciarii non exigant ultra bolend. duos, nisi forsitan executio citationis, vel alterius actus judiciarii hujusmodi faciendi esset in loco satis distante a Tribunalibus Urbis, quo casu exigere possint bolendinos quatuor, & non ultra, & loca intelligantur esse distantia, si executio sit faciendi in regione Translyberim, Montium, Trivii, & prope Ecclesiam beatam Mariae de Populo, & si extra mania Urbis, in illius tamen suburbii non ultra carlenum unum. Pro citatione vero, inhibitione, vel intimatione simili contra Episcopos & Praelatos, ac alias personas qualificatas, & Procuratorem Fisci faciendi, non ultra bolendinos quinque. Pro subhaftatione quorumcumque pignorum, tam mobilium, quam immobilium exigant similiter, prout hactenus exigere consueverunt. Nec aliquis ipsorum, pro ea intimatione, in qua parti intimatur mandatum procurae esse in actis pro ductum, vel procuratoris in causa esse revocatos, ultra julium unum percipere audeat. Minus officium ipsorum cuiquam impartiri dolose recusent, seu differant. Nec etiam sub praetextu modice mercedis, vel ob id quod majorem habere vellent. Et quia de cetero in causis tot commissiones, quot hactenus fieri consuevit, pro reformatione Signaturae nostrae de proximo publicanda fieri prohibemus, pro prima commissione, per quam scilicet causa coram aliquo iudice introducitur, exigant bolendinos quinquaginta, pro aliis vero, si qua in causa supervenerint, carlenos duos Cancellariae. In reliquis autem observent

in omnibus, & per omnia normam eis a Concilio Lateranen. traditam, nec praemissis in aliquo contravenire praesumant, sub poena excommunicationis latae sententiae, & privationis officiorum eo ipso incurrenda.

§.79. Mandatarii quarumcumque Curiarum non exigant ultra bolendin. unum pro citatione, nisi sit citatio faciendi in longinquis locis ab eorum Curis, quo casu exigant duos, & non ultra. Illud idem faciant in intimatione cujuslibet sequestri, monitorii, inhibitionis, decreti, & cujuscumque actus judiciarii, exceptis citationibus faciendis contra Fiscum, pro quibus exigere possint bolendinos tres. Pro subhaftatione, & deliberatione pignorum, sive rerum, & bonorum mobilium, & immobilium, usque ad summam trium scutorum, bolendinum unum pro quolibet scuto, ab inde supra bolendinos duos pro quolibet scuto, ita tamen quod ultra unum scutum non exigant pro quacumque summa, etiam quod res subhaftata, & deliberata ad magnam summam ascendant.

§.80. Barigellus, & executores quarumcumque Curiarum, ac custodes carcerum, observent in omnibus, & per omnia tabulam novissime a Camerario nostro editam sub poenis in ea contentis.

§.81. Idemque Barigellus, & ceteri executores contra committentes fraudes, quas inventiones vocant, eo modo ut extraordinarii, & alii Curiae Capitolii, & Conservatorum executores faciunt, ad executionem procedere possint, dummodo in fraude deprehensos ad ipsos Conservatores deferant, & deducant, habeantque partem poenarum hujusmodi inventionum, prout, & dicti Extraordinarii. Nec eorum quisquam, qui executionem non fecerint, praetextu quod facta fuerit executio ab eo executore, a quo fieri non poterat, vel in loco, in quo certus executor deputatus erat, aliquid proius a partibus, contra quas executio facta fuerit, sub poena furti, exigere audeat.

§.82. Si quis vero ex Notariis, & Consulibus, ac illorum Assessoribus, aliquid contra praemissa eos respective concernentia, in quibus specialiter poena adjecta non sit, admiserint, praeter excommunicationis sententiam, quam ipso facto incurrere volumus, etiam pecuniariis, & corporalibus poenis quoad Notarios, & Mandatarios Curiarum praefatarum ipsorum Judicum, & quoad Consules, & illorum Notarios, & Assesores, Conservatorum arbitrio efficiantur.

§.83. Et nihilominus omnes, & singuli supradicti in hac nostra Constitutione comprehensi, sciant, & sane intelligant, id quod sibi in quibusvis casibus accipere concessum extitit, ad pauperes, & impotentes nullo modo extendi, a quibus aliquid proius accipi posse sub poenis superius respective expressis, omnino prohibemus.

§.84. Non obstantibus Constitutionibus, & Ordinationibus Apostolicis, legibus, ac Urbis, & Rom. Curiae praefatarum statutis, etiam

Mandatario- rum taxa pro citationibus &c.

Barigelli, & Executorum taxa.

Eorundem poenae circa fraudes Artificium.

Poenarum inhibitione in Notarios, Consules, Assesores &c. praemissa contravenientes.

A pauperibus quicquam exigi prohibetur.

Claritate derogatoria.

etiam juramento, & confirmatione Apostolica, vel quavis firmitate alia roboratis, stylis, & consuetudinibus, quos, & quas per presentes improbamus, privilegii quoque, indultis, & literis Apostolicis, officiis, & illorum officialibus supradictis per quoscumque Rom. Pont. Prædecesores nostros, ac etiam per Nos contra præmissa, vel aliquod præmissorum forsitan hætenus concessis, confirmatis, & innovatis, quibus omnibus illorum tenores, ac si de verbo ad verbum præsentibus inserti forent, pro plene, & sufficienter expressis habentes, quoad præmissa dumtaxat specialiter, & expresse derogamus, ceterisque contrariis quibuscumque.

Sanctio poenalis.

D. P. An. III. 31. Junii.

Pape subscr.

Nulli ergo omnino hominum liceat hanc paginam nostræ sanctionis, statuti, ordinationis, voluntatis, prohibitionis, & derogationis infringere, vel ei ausu temerario contraire. Si quis autem &c.

Datum Romæ apud S. Petrum, anno Incarnationis Dominicæ millesimo quingentesimo sexagesimo secundo, secundo Kal. Julii, Pont. nostri Anno III.

Ego Pius Catholicæ Ecclesiæ Episcopus,

Sequuntur Cardinalium subscriptiones, & publicatio.

LXIX.

Reformatio Referendariorum Signaturæ Justitiæ Romani Pontificis, & ordinationes a Judicibus Romanæ Curie observandæ.

Referendariorum hujusmodi privilegia, vide in Const. XXVIII. Pauli III. Debita Tom. IV. Par. I. fol. 174.

PIUS EPISCOPUS SERVUS SERVORUM DEI

Ad perpetuam rei memoriam.

Causa hujus reformationis

CUM nuper Nos generali officiorum, & Tribunalium Romanæ Curie pro abusibus extirpandis, ac universali in ea litigantium commoditate, reformationi intenderimus, & providerimus, cupientes eorumdem litigantium indemnitati in totum consulere, ac ut celerius lites terminentur, providere, valde opportunum, immo necessarium esse censuimus, etiam Signaturam Justitiæ, a qua plerumque hi, qui lites in longum protrahere, alioque diutius, & gravioribus impensis defatigare querunt. cavillationibus, & versutis diversa rescripta, aut superflua, aut dilationem inducentia extorqueant, reformare. Idecirco pro illius reformatione, visis, & etiam mature discussis, nonnullis per dilectos filios Referendarios nostros adnotatis, & coram Nobis etiam in præsentia nonnullorum ex venerabilibus fratribus S.R.E. Cardinalibus propositis, de eorumdem, ac ceterorum fratrum

nostrorum consilio, hac in perpetuum valitura Constitutione sancimus.

§.1. Quod nullus ex dictis Referendiariis propositas, & rejectas in Signatura Justitiæ commissiones, in Signatura Gratiæ coram Nobis proponere audeat, nisi talis sit materia, qua scientiam nostram requirat, aut qua per Signaturam Justitiæ ad eandem Signaturam Gratiæ remissa fuerit.

§.2. Nec in antiquis ac arduis materiis, in quibus plures hinc inde expedite fuerint commissiones, & in avocatoriis a prioribus judicibus, & quovis modo præjudicialibus manum apponere, nisi prius citata coram eo parte interesse habente.

§.3. Et cum agitur de revocatione, aut moderatione alicujus præinsertæ, similiter manum non apponat, nisi in præinserta appositum sit nomen Referendarii, qui illi manum apposuit, ut rationem reddere, & eam justificare possit. Nec etiam reformatio five moderatio ejusdem præinsertæ ab habente Signaturam Justitiæ, nisi nomen Referendarii, ut præmittitur, in ipsa præinserta appositum fuerit, aliquo modo fingetur.

§.4. Minus in commissionibus appellationum ab interlocutoriis, nisi expresso relevanti gravamine. Nec cum appellatur a definitiva cum clausula, aut vim definitivæ habente, nisi res adeo exprimat, ut videat Referendarius, an tale sit gravamen, quod per definitivam reparari non possit. Et si in commissione apposta fuerit clausula, cum toto negotio principali, tunc addatur, justificato tamen dicto gravamine.

§.5. Abstineant ulterius Referendarii ab appositione manuum in commissionibus nullitatum, & attentatorum, nisi exprimantur nullitates ex defectu jurisdictionis, citationis, vel mandati, & ipsa attentata. Et pariter in illis, in quibus narratur, pronunciatum fuisse prout in cedula.

§.6. Nec etiam manum apponant in commissionibus prorogationis fatalium, nisi in quibus prima vice ipsa prorogatio petitur, illas vero commissiones, in quibus pro ulteriori prorogatione supplicatur, in Signatura nostra Gratiæ proponant.

§.7. Causæ criminales, & matrimoniales non inferioribus Episcopis, & in terris Ecclesiæ, causæ criminales clericorum in sacris constitutorum Ordinario, reliquorum vero clericorum, & laicorum, locorum Gubernatoribus committantur.

§.8. Et ut lites quanto citius fieri possit, ac minori partium dispendio expediantur, decernimus, quod quilibet Judex, cui causæ restitutionis in integrum, nullitatis, & attentatorum, de cetero committentur, possit absque speciali commissione præfigere terminum ad docendum de causis restitutionis, ac de ipsius nullitatibus, seu attentatis, & eo lapsa, & non docto, ad negotii principalis expeditionem procedere.

§.9. Similiter quilibet Judex in quibuslibet causis coram eo introductis, & introducendis, & etiam Auditor Rotæ, in causis extra Rotam commissis, possint omnes terminos

De Commissionibus rejectis in Signatura Justitiæ.

Avocatoriis, & aliis præjudicialibus.

Præinsertæ reformatiis.

Appellationum commissionibus.

Nullitatum, & attentatorum &c.

Prorogationis fatalium.

Criminalibus, & matrimonialibus.

Reformatio in causis restit. in integ. nullitatis, & attentatorum.

Terminorum, & reiteratione.

Declaratio dictæ Reformationis circa prorogationes fatalium.

PIUS PAPA QUARTUS

Motu proprio &c.

CUM nuper nostris literis, qua super reformatione Signaturæ edidimus, inter cetera caveatur, quod prorogationes fatalium non nisi semel a Signatura Justitiæ concedi possent, sperantes infra prima, vel saltem secunda fatalia, causas decidi, & terminari posse. Cumque, ut accepimus, tam propter causarum multitudinem, quam etiam propter illorum implicitatem, sit quodammodo impossibile id fieri, & propter eandem causarum multitudinem, contingere posse, Signaturam nostram quandoque totam impediri in prorogationibus prædictis.

Causa hujus declarationis.

§.1. Igitur cupientes non solum publicæ utilitati, sed etiam commoditati salubriter providere, Motu simili decernimus, statuimus, & ordinamus, eorumdem fatalium prorogationem in quibusvis causis a nostra Signatura Justitiæ, prout ante dictarum nostrarum literarum editionem fieri consuevit, concedi. Et quatenus post emanatas a Nobis literas super reformatione Signaturæ Justitiæ usque in diem publicationis præsentis nostri Motus proprii, instantia, seu fatalia alicujus causæ lapsa fuerint defectu prorogationum, partes litigantes lesas adversus peremptorium instantiæ, ac fatalium hujusmodi in integrum arbitrio dilecti filii nostri Ludovici tit. S. Cyriaci in Thermis Presbyteri Cardinalis Simonetæ nuncupati, dictæ Signaturæ Præsidentis restitui posse, & indulgeri, & taliter concessas, & indultas suæ firmitatis robur obtinere, perinde ac si dictæ nostræ literæ talem clausulam non habuissent, illis aliter in suo robore permanfuris; Et sic per quoscumque Judices, &c. sublata, &c. irritum quoque &c.

Declaratio quod Signatura Justitiæ concedat prorogationes fatalium juxta ejus solitum, non obstante præmissa reformatione.

§.2. Præmissis, ceterisque in contrarium facien. non obstan. quibuscumque.

Detogatio contrartiorum

§.3. Volumus tamen, quod in secunda, five ulteriori prorogatione, & restitutione, conceden. per dictum Ludovicum Cardinalem adhibeatur diligentia, ut ex causâ, & non aliter, tales prorogationes concedantur, super quo ejus conscientiam oneramus.

Declaratio de prorogationibus.

§.4. Ad quod præsentis nostri Motus proprii sola signatura sufficiat, & sumptus illius impressi ubique fidem faciat in judicio, & extra, attento quod in Urbe. Placet Motu proprio I.

Sola signatura sufficit.

Pape subscr.

Expenfarum-que taxatione

Causæ quoque discussione.

Aditione hæredit. & confessione inventarii.

Difcessionum causis pendens, credita liquida executioni mandentur.

Decretum irritans.

Clausulæ derogatorie.

Sanctio poenalis.

D.P. An. III. 31. Junii.

Pape subscr.

ramos substantiales in vim commissionis a fel. rec. Innocentio Papa VII. Prædecesfore nostro, quam ad omnes Judices, & etiam Auditores in causis præmissis tenore præsentium extendimus, absque alia speciali commissione reiterare.

§.10. Quodque ab excessiva taxatione expenfarum, semel tantum appellatio committatur, & duæ sententiæ habeant vim tertium.

§.11. Causæ discussionum inter creditores, & heredes defuncti, seu alterius debitoris, de cuius bonis inter ipsos creditores agitur intra tres menses, quoad absentes vero citra montes intra sex menses, ultra autem intra novem expediantur, & nullo modo nisi ex magna causâ, & per Signaturam nostram Gratiæ instantia prædicta pro rogetur.

§.12. Et a die obitus debitoris intra duos menses hæredes præsentis, absentes autem citra montes intra quatuor, ultra vero montes intra sex inventarium conficere, & an velint hæreditatem adire, deliberare teneantur.

§.13. Et interim Judices, coram quibus causas discussionis hujusmodi pendere contigerit, bona ipsius debitoris defuncti, vel decoctoris debitoris creditoribus habentibus credita eorum liquida interim recepta idonea cautione de restituendo habentibus priora, & potiora, & contribuendo habentibus aqualia jura consignari mandent, & faciant.

§.14. Si quis autem Constitutioni nostræ hujusmodi in aliquo contravenerit, indignationis nostræ, ac alias arbitrii nostri poenæ eo ipso incurrat. Et nihilominus commissiones contra tenorem præsentium signate, nullus sint roboris, vel momenti, ac per præoccupationem extortæ censeantur, illiq. Judices, quibus eas præsentari contigerit, minime parere teneantur. Sicque per quoscumque Judices, & Commissarios quavis auctoritate fungentes, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiti debere, irritum quoque, & inane, si secus super his a quoquam, quavis auctoritate scienter vel ignoranter contigerit attentari, decernimus.

§.15. Non obstantibus Constitutionibus, & Ordinationibus Apostolicis, contrariis quibuscumque.

§.16. Nulli ergo omnino hominum liceat, hanc paginam nostræ sanctionis, & decreti infringere, vel ei ausu temerario contraire. Si quis autem &c.

Datum Romæ apud S. Petrum, Anno Incarnationis Dominicæ, millesimo quingentesimo sexagesimo secundo, Kalend. Julii, Pontificatus nostri Anno tertio.

Ego Pius Catholicæ Ecclesiæ Episcopus.

Sequuntur subscriptiones Cardinalium, & publicatio. Bull. Rom. Tom. IV. Par. II.

LXX.

Confirmatio Militiæ Ordinis S. Stephani, a Cosmo Medice Florentiæ, & Senarum Duce, de licentia hujus Pontificis nuper institutæ, sub Regula S. Benedicti, cum exemptionum, & indultorum concessione.

PIUS EPISCOPUS

SERVUS SERVORUM DEI

Ad perpetuam rei memoriam.

Exordium.

His, quæ pro Religionis propagatione, & Fidei Catholice defensione, ac animarum salute, provide facta esse noscuntur, ut firma perpetuo, & illibata persistant, libenter Apostolici muniminis robur adjuvamus, ac illa de novo concedimus, & desuper disponimus, prout Catholicorum Principum Nobis, & Apostolice Sedi devotorum pia vota exposcunt, & id in Domino conspicimus salubriter expedire.

Cosmus Medicus Florentiæ, & Senarum Dux licentiam a Pontifice obtinuit instituti aliquam Militiam, ut hic.

§.1. Dudum siquidem pro parte dilecti filii Nobilis viri Cosmi Med. Florentiæ, & Senarum Ducis Nobis exposito, quod ipse ad Dei laudem, & gloriam, ac fidei Catholice defensionem, Marisque Mediterranei ab infidelibus tuitionem, ac posteritatis suæ decus, & honorem, cupiebat unam Militiam sub certo approbato Ordine per eum eligendo cum dote competenti ex suis propriis bonis assignanda, pro uno Magistro, ceteroque Militum numero, ad aliarum in Hispaniis, vel alibi rite institutarum Militiarum instar, in ejus Dominio erigere, & instituire, si sibi ad id nostra, & Sedis prædictæ licentia suffragaretur. Nos præfato Cosmo Duci, ut ad Dei honorem, & gloriam, aliosque effectus præmissos in dicto dominio, & loco, ac ad eadem sibi benivolis, unam Militiam sub regula S. Benedicti, vel alterius approbati Ordinis, ac sub invocatione, & cum insigniis, de quibus sibi videretur, decentibus, postea privilegiis, facultatibus, & indultis, a Nobis, & dicta Sede decorandam, cum dote convenienti per eundem Cosmum Ducem arbitrio suo, ut præfertur, assignanda, pro uno Magistro, qui videlicet ipse Cosmus, quoad viveret, & deinde pro tempore existens Florentiæ Dux esse deberet, & certo Militum per ipsum Magistrum pro tempore existentem, tam a primæ erectione hujusmodi, quam ex tunc deinceps perpetuo instituendorum, ac habitu regulari donandorum, & ad regularem Ordinem hujusmodi professionem admittendorum numero, sub ejusdem Magistri obedientia, ac cum pactis, capitulis, conditionibus, & stabilimentis, per dictum Cosmum Ducem edendis, & per Nos & dictam Sedem postmodum approbandis, ad aliarum Militiarum prædictarum instar, sine tamen alicujus præjudicio erigere, & instituire, ac pro Militiæ, Militumque præfatorum salubri directione, quæcumque ordinationes, & statuta per Nos, ut præfertur, confirmanda, concedere posset, licentiam

& facultatem per alias nostras in forma Brevis literas concessimus.

§.2. Cum autem, sicut accepimus, idem Cosmus Dux Omnipotentem Deum, ut Christianum decet Principem, honorare, proximo prodesse, vitamque beatam promereri desiderans, in immensa Majestatis Divinæ, ac Gloriosissimæ Dei Genitricis, semperque Virginis Mariæ, totiusque cælestis Curie gloriam, & honorem, earumdem literarum vigore, unam sub invocatione, & protectione Beati Stephani Militiam Militum S. Stephani nuncupandam, sub regula ejusdem S. Benedicti erexit, & instituerit, illique nonnullos fructus, redditus, & proventus, ac bona pro ejus dote assignaverit, volueritque, quod ejus Milites præfati in sua receptione, charitatem, castitatem conjugalem, & obedientiam expresse profiterentur.

Exeritque Militiam S. Stephani sub regula S. Benedicti, & concedentes proventus assignavit.

§.3. Charitatem nempe, cui tamquam solidæ basi militiæ ipsa inniteretur, honorem Dei rebus universis præponendo, sacra Scripturæ præceptis parendo, Sedis prædictæ mandata servando, pro Fide Catholica pugnando, justitiam colendo, pauperibus subveniendo, captivos ab infidelibus vinculis recuperando, & finaliter sese ultroneos cuiusque periculo pro Christiana Religionis defensione, & pro ejus augmento non solum facultates, sed propriam vitam exponendo, Castitatem vero, sive pudicitiam, nullam aliam foemnam præter propriam uxorem carnaliter cognoscendo. Obedientiam autem in omnibus sibi per Magistrum, vel ejus Locumtenentem, aliosve Militiæ superiores, juxta illius ordinationes, & statuta injunctis, bono, & hilari animo diligenter sequendis.

Charitatemque, & conjugalem castitatem, ac obedientiam Milites expresse profiteri jussit.

§.4. Ac pro salutari Militiæ, Militumque prædictorum regimine, & perpetuitate, quamplura Canones, & Statuta, ac ordinationes super ipsorum Militum regula, super Militiæ statutis, & constitutionibus, super Militum officio, ac professione, super pena transgressoribus regulæ, statutorumque insigenda, super modo Milites ad professionem recipiendi, illorum habitu, Ecclesia, & cultu divino, Hospitalitate, communi thesauro, Capitulo generali, Magno Magistro, officiis, & dignitatibus Militiæ, Militum officio, exercitio, & commendis, contractibus, & locationibus, necnon prohibitionibus, & pœnis, ac super aliis provisionibus, rebulque ad divini nominis cultum, Militiæ decus, Religionis augmentum, & animarum salutem faciendis ediderit, atque sanciverit, prout in illis, variisque capitulis desuper Italico sermone in uno quinterno distincte conscriptis, ac de nostro mandato per dilectum filium nostrum Joannem Baptistam tit. S. Clementis Presbyterum Cardinalem Cicada nuncupatum diligenter examinatis, ac perfectis, & emendatis, ac per Nos manu propria subscriptis plenius continetur.

Statuta quoque super hujusmodi regula condidit.

§.5. Nos præfati Cosmi Ducis pium, & laudabile institutum, utpote Fidei Catholice exaltationem, & alia pia opera concernens,

Hic autem Pontifex erectionem hujus Militiæ, ac statuta confirmat.

nens, plurimum in Domino collaudantes, necnon erectionis, institutionis, statutorum, canonum, ordinationum, & capitulorum, ac super illis confecti quinterni prædictorum, & inde secutorum, veriores tenores præsentibus pro sufficienter expressis habentes, ac ipsum Cosmum Ducem, quem speciali dilectione prosequimur, in hoc suo laudabili Militiæ Christiane promovendæ proposito confovere, ac specialibus favoribus, & gratiis prosequi volentes, Motu proprio, non ad ipsius Cosmi Ducis, vel alterius pro eo Nobis super hoc oblatæ petitionis instantiam, sed de nostra mera liberalitate, erectionem, institutionem, assignationem, aliaque omnia, & singula, canones, statuta, ordinationes, & capitula prædicta, ac prout illa concernunt, cetera in prædicto quinterno contenta, & inde secuta quæcumque, Apostolica auctoritate tenore præsentium ex certa scientia confirmamus, & approbamus, ac illis perpetuæ, & inviolabilis firmitatis robur adjuvamus, necnon omnes, & singulos juris, & facti defectus, si qui forsitan intervenerint in eisdem, supplementum.

Et ipsam Cosmum, ac alios pro tempore Ducem Florentiæ, Magnum Magistrum ipsius Militiæ creat, cum facultate, & privilegiis quibus aliarum Militiarum Magistri inter Milites utuntur.

§.6. Et nihilominus potiori pro cautela Militiam prædictam eisdem modo, & forma, quibus per ipsum Cosmum Ducem erecta, & instituta est, de novo ex simili scientia eadem auctoritate perpetuo erigimus, & instituiimus, illique sic erectæ, omnia, & singula, fructus, & alia mobilia, & immobilia, res, & bona illi per eundem Cosmum Ducem hæcenus concessa, & deinceps tam per eum, quam alios quoscumque licite concedenda, etiam perpetuo applicamus, & appropriamus, necnon canones, statuta, ordinationes, & capitula prædicta de novo statuimus, & ordinamus. Ac eundem Cosmum, & pro tempore existentem Florentiæ Ducem in Magnum Magistrum ejusdem Militiæ, cum honoribus, oneribus, prærogativis, & facultatibus, quibus alii aliarum Militiarum dicta auctoritate confirmatarum Magistri inter suos Milites quomodolibet utuntur, fruuntur, & gaudent, similiter perpetuo constituimus, & deputamus. Illique prædicta immutandi, & reformandi, ac alia quæcumque ordinationes, & statuta ad ejusdem Militiæ directionem facientia licita, & honesta, ac sacerdotibus minime contraria, quoties sibi videbitur, condendi facultatem concedimus. Ac præmissa omnia, & singula valida, & efficacia fore, suosque plenarios, & integros effectus fortiri, & per Milites fratres, & alias ejusdem Militiæ personas, aliosque quomodolibet inviolabiliter observari debere. Ac eosdem Milites, & religiosos ab illis nullatenus reslire posse, sed ad illorum observationem teneri, & efficaciter obligatos fore, censurisque, & pœnis Ecclesiasticis, ac etiam pecuniariis ad id compelli posse.

Decretum ipsius.

§.7. Et sic per quoscumque Judices quavis auctoritate fungentes, sublata eis, & eorum cuilibet quavis aliter judicandi, & Bull. Rom. Tom. IV. Par. II.

interpretandi facultate, & auctoritate, judicari, & definiri debere. Ac si secus super his a quoquam quavis auctoritate scienter, vel ignoranter contigerit attentari, irritum, & inane decernimus.

Executorum illius Constitutionis deputatio & facultates.

§.8. Quocirca venerabili fratri nostro Episcopo Amerin., & dilectis filiis Vicariis venerabilium fratrum nostrorum Florentiæ & Pisan. Archiepiscoporum spiritualibus generalibus Motu simili per Apostolica scripta mandamus, quatenus ipsi, vel duo, aut unus eorum per se, vel alium, seu alios præsentibus literas, & in eis contenta quæcumque, ubi, & quando opus fuerit, & quoties pro parte dicti Cosmi, & pro tempore existentis Florentiæ Ducis fuerint requisiti, solemniter publicantes, eisque in præmissis efficacis defensionis præsidio assistentes, faciant auctoritate nostra præsentibus literas, & in eis contenta hujusmodi firmiter observari. Ac Cosmum, & pro tempore existentem Florentiæ Ducem, necnon Milites præfatos, ac singulos alios quos ipsa litera concernunt, & concernent in futurum, illis pacifice gaudere, non permittentibus eos desuper per quoscumque quomodolibet indebite molestari: Contradictores quoslibet, & rebelles, per censuras, & pœnas Ecclesiasticas, ac alia opportuna juris remedia, appellatione postposita, compescendo. Necnon legitimis super his habendis servatis processibus, censuras, & pœnas ipsas etiam iteratis vicibus aggravando, invocato etiam ad hoc, si opus fuerit, auxilio brachii secularis.

Clausula derogatorie.

§.9. Non obstantibus sel. rec. Bonifacii Papæ Octavi Prædecessoris nostri, qua cavetur, ne quis extra suam Civitatem, vel Dioecesim, nisi in certis exceptis casibus, & in illis ultra unam diem a fine suæ Dioecesis ad judicium evocetur, seu ne iudices a Sede præfata deputati extra Civitatem, vel Dioecesim, in quibus deputati fuerint contra quoscumque procedere, aut alii, vel alii vices suas committere præsumant, & de duabus non tribus diebus in Concilio generali edita, & quibusvis aliis Constitutionibus, & Ordinationibus Apostolicis, ac quarumcumque aliarum etiam Hospitalis S. Joannis Hierosolymitani Militiarum, juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, illis, ac dilectis filiis illarum Magistris, conventibus, & fratribus sub quibuscumque tenoribus, & formis, ac cum quibusvis etiam derogatoriis, derogatoriis, aliisque efficacioribus, & insolitis clausulis, necnon irritantibus, & aliis decretis, etiam motu, & scientia similibus, ac consistorialiter, etiam per viam contractus, ac universæ legis, & ad Imperatorum, Regum, aut aliorum Principum instantiam, ac aliis quomodolibet concessis, approbatis, & innovatis, quibus omnibus etiam si pro illorum sufficienti derogatione, de illis, eorumque totis tenoribus specialis, specifica, individua, & expressa, ac de ver-

bo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi presentibus pro sufficienter expressis habentes, illis alias in suo robore permanens, hac vice dumtaxat specialiter, & expresse derogamus, contrariis quibuscumque. Aut si aliquibus, communiter, vel divisim ab eadem sit Sede indultum, quod interdici, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Sanctio poenalis. D. P. An. III. 2. Februarii.

Nulli ergo &c. Datum Romae apud Sanctum Petrum anno Incarnationis Dominicae millesimo quingentesimo sexagesimo secundo, Kal. Februarii, Pont. nostri Anno III.

Sequitur concessio privilegiorum dictae Militiae.

PIUS EPISCOPUS,

SERVUS SERVORUM DEI

Ad perpetuam rei memoriam

Exordium.

Altitudo divinae providentiae nullis praescripta limitibus, nullisque terminis comprehensa caelestia pariter, & terrestria inscrutabili ratione disponit, & mortalium mentes ad ea, per quae benevolentia, & ferventi devotione Catholicorum Principum ad id tendentium, & quam in Nos, & Romanam gerere comprobantur Ecclesiam, mediante, personarum quarumlibet sub regulari observantia degentium optata salus undique proveniat animarum, divinisque cultus suscipiat incrementa, incitat. Unde Nos, quibus meritis licet imparibus, universalis Ecclesiae regimen eadem est providentia creditum, juxta Sedis Apostolicae officium, pro eorum meritis dexteram in eos liberalitatis nostrae extendere censuimus, quo ipsi in perseverantia laudabilium operum ferventius animentur, quorum exemplo provocati, ad similia facilius inducantur.

Exemptio a jurisdictione Ordinatio. Tu ad hoc vide moderatorem Concilium. Irid. 36. 24 cap. 11. 14.

§.1. Hinc est, quod Nos dilectos filios nobilem virum Cosmum Medices Florentiae, & Senarum Ducem, Magnum Magistrum Militiae S. Stephani sub regula S. Benedicti, & Conventum ejusdem Militiae in Ducatu Florentiae per eundem Cosmum Ducem de licentia nostra instituta, specialibus favoribus, & gratis prosequi volentes eosdem, & eorum singulos a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis, a jure, vel ab homine, quavis occasione, vel causa latis, si quibus quomodolibet innodati existunt, ad effectum praesentium dumtaxat consequendum, harum serie absolventes, & absolutos fore sententes, Motu proprio non ad eorum, vel alicujus pro eis Nobis super hoc oblatae petitionis instantiam, sed de nostra mera liberalitate omnes, & singulos ipsius Militiae

Milites, Priorem, ceterosque ministros Ecclesiae dicti Conventus, & alias personas, etiam in sacris, & Presbyteratus ordinibus constitutas, etiam quaecumque, quotcumque, & qualiacumque, cum cura, & sine cura beneficia Ecclesiastica obtinentes, eorumque beneficia, commendas, res, & bona quaecumque ab omni jurisdictione, superioritate, visitatione, dominio, & potestate quorumvis Archiepiscoporum, Episcoporum, aliorumque locorum Ordinarium Apostolica auctoritate tenore praesentium ex certa scientia perpetuo eximimus, & totaliter liberamus, aliosque dicto Cosmo Duci, & Magno Magistro in spiritualibus, & temporalibus, eis modo, & forma, quibus in ipsius Militiae statutis, & ordinationibus continetur, immediate subiectimus, & supponimus, ita quod ipsi locorum Ordinarii nullam in eos jurisdictionem, superioritatem, dominium, vel potestatem, etiam ratione cujuscumque contractus, delicti, vel alterius rei, ubicumque in eatur contractus, committatur delictum, & res ipsa consistat, exercere valeant, sed Milites, Prior, & aliae personae hujusmodi de justitia coram solo Magno Magistro praedicto, vel ejus deputato respondere debeant. Decernentes quoscumque processus contra illos, vel eorum aliquem, tam per ipsos locorum Ordinarios, vel eorum Vicarios, seu quosvis alios, quam Magistrum, vel ejus deputatum praedictos, pro tempore factos, & quaslibet etiam excommunicationis, vel suspensionis, aliisque sententias promulgatas nullas, & invalidas, nulliusque roboris, vel momenti fore.

Facultas recitandi & transferendi pensiones ulque ad duc. 100.

§.2. Ac singulis Militibus coniugatis, etiam bigamis aliisque Presbyteris, ut singulas pensiones annuas usque ad summam ducatorum ducatorum auri de Camera super quorumvis Cathedralium, etiam Metropolitanarum, & aliarum Ecclesiarum, Monasteriorum, Prioratum, Canonicatum, & Praebendarum, dignitatum, personatum, administrationum, & officiorum, aliorumque beneficiorum Ecclesiasticorum, cum cura, & sine cura, secularium, & quorumvis Ordinum Regularium, fructibus, redditibus, proventibus, juribus, obventionibus, & emolumentis alias sibi canonice reservandas accumulative, cum quibusvis aliis pensionibus annuis, quas illos ex quovis alio privilegio Apostolico pro tempore percipere contigerit, & contingeret, ad vitam percipere, exigere, & levare, ac in suos usus, & utilitatem convertere, illasque ad aliquam expeditionem contra infideles accedendo, aut in ea existendo, in toto, vel parte, simul, vel successive, quando sibi videbitur, etiam in mortis articulo, in cujusvis personae in dignitate Ecclesiastica constituta, aut Canonici Cathedralis Ecclesiae, & in dictae Militiae Militum manibus, etiam quaecumque, quotcumque, & qualiacumque beneficia Ecclesiastica obtinentium, & expectantium favorem, absque aliquo possessorum beneficiorum hujusmodi habendo consensu, transferre, in omnibus, & per omnia

Privilegium disponendi de quoquo modo acquisitis.

omnia perinde prout Militibus Sancti Pauli, & Pii nuncupatis, per Sedem Apostolicam indultum extitit, etiam citra Cruciatam obligationem.

Presbyter. Milit. beneficium unum habere possit ut hic.

§.3. Necnon tam illis, quam ceteris omnibus Militibus, ac Priori, & Ministris, etiam Presbyteris, & beneficiatis ejusdem Militiae, ut de quibuscumque, tam stabilibus, quam mobilibus bonis, pecuniarum summis, gemmis, & lapidibus preciosis, aliisque rebus cujuscumque qualitatis, & quantitatis, ac valoris existant, per eos etiam ratione beneficiorum Ecclesiasticorum quorumlibet per eos obtentorum, ac alias undecumque, & quomodolibet acquisitis, & ad illos quovis modo spectantibus, dummodo quintam illorum partem Conventui praedicto relinquunt, inter quoscumque consanguineos, filios etiam spurios, & alios illegitimos, aliasque quantumvis incapaces personas testari, ac alias etiam per codicillos, donatione inter vivos, causa mortis, & alia quacumque via, prout sibi videbitur, disponere, ac illa in pias, & non pias, alias tamen licitas causas erogare.

Militibus observantiam Reg. quando peccent.

§.4. Ac priori Ecclesiae dicti Conventus pro tempore existenti, ut quoties sibi placuerit, Missam, ac alia Divina officia in praedicta, aliisque dictae Militiae Ecclesiae in habitu Pontificali, cum mitra, & baculo pastorali celebrare, ac post Missam, dummodo ibi non sit praesens aliquis catholicus Antistes, vel de illius consensu, ibidem benedictionem Christi populo impartiri, & tam ille, quam singuli Presbyteri Milites ejusdem Militiae unum curatum beneficium Ecclesiasticum a dicta Militia dependens, seu illi unitum, aut incorporatum, etiam si Parochialis Ecclesia, vel ejus perpetua vicaria fuerit, si ad hoc sufficientes, & idonei fuerint, & beneficium hujusmodi alias sibi canonice conferatur, recipere, & retinere, libere, & licite valeant, auctoritate, & tenore praedictis, de speciali dono gratiae dispensamus, sibi que pariter indulgemus.

Exemptio eorumdem a solutione decimarum, & aliorum onerum.

§.5. Et insuper quod nullus ex Magistro, & Militibus pro tempore existentibus, aliisque personis dictae Militiae propter ejus regulam, statuta, & capitula, nunc, & pro tempore edita non observata, vel minus rite adimpleta, in peccatum mortale incidat, praeterquam inobedientiam, & contumaciam pluries commissam, & continuatam, & ab ipsa religione rebellionem, & alios casus peccatum hujusmodi ex divinis preceptis, sacrisque Canonibus generantes.

§.6. Quod Religionis, & Militiae hujusmodi bona, possessiones, & fructus, redditus, & proventus quaecumque, tam per Magnum Magistrum commendis, aliisque beneficiis, & officiis dictae Militiae, in illorum institutione, quam deinceps illis, dictoque Conventui, & ejus personis quomodolibet assignanda, concedenda, & applicanda, sub quibusvis decimis, subsidiis, aliisque ordinariis, & extraordinariis oneribus, per Nos, & Romanos Pontifices pro tempore existentes, ac Sedem Apostolicam

ex quavis causa quantumvis necessaria, etiam pro Cruciatam Sancta, & defensione contra infideles nullatenus comprehendantur, neque ad illorum, annuatumque, seu illarum dimidiam fructuum, reddituum, & proventuum beneficiorum, & in illorum provisionibus faciendam solutionem teneantur, sed ab illis excepta sint, & esse censentur, nisi ea, quae hactenus oneribus hujusmodi fuerint, & de praesenti sunt obnoxia.

Pensiones super beneficiis Militiae imponi non possunt, nisi pro personis dictae Militiae.

§.7. Et quod nulla pensio annua super alicujus commenda, vel alterius beneficii Militiae hujusmodi fructibus ex resignatione in manibus Romani Pontificis, aut alia quavis probabili causa, nisi in persona personae dictae Militiae, etiam per ipsam Pontificem reservari, neque commende, & alia beneficia dictae Militiae pensionibus hujusmodi aliter quam, ut praefertur, onerari possint. Et si pensiones desuper aliter assignari contingat, assignationes ipsae nullius sint roboris, vel momenti, nec titulares beneficiorum hujusmodi ad illarum solutiones teneantur, neque ad id censuris Ecclesiasticis aliisque poenis compelli possint, etiam statuimus, & ordinamus.

Indulg. plen. pro Militibus in expeditione contra infideles vel hereticos decedentibus.

§.8. Propterea, ut ipsi Milites Ecclesiae Catholicae, fideliumque defensionem contra infideles animo frequentiori, minorique perdendae lucis humanae, si aeternam inde nanciscendam prospiciant, metu suscipiant, de Omnipotentis Dei misericordia, ac beatorum Petri, & Pauli Apostolorum ejus auctoritate consili, universis, & singulis Militibus, & aliis ejusdem Militiae personis, qui in expeditione, tam maritima, quam terrestri, contra infideles, vel hereticos necum hostilibus armis, sed etiam, aliquo quovis mortis genere, de peccatis suis corde contriti, & ore confessi, vel saltem statuti a jure temporibus consistendi propositum habentibus in virtute fidei Catholicae decesserint.

Indulg. etiam plen. pro vicariis die 2. Aug. Eccl. Conventus.

§.9. Ac etiam Militibus, & personis praefatis, quam quibusvis aliis utriusque sexus, etiam vere poenitentibus, & confessis, seu consistendi propositum habentibus, ut praefertur, qui Ecclesiam Conventus hujusmodi, quae sub invocatione Sancti Stephani Papae, & Martyris est consecranda, in singulo die festivitatis ejusdem Sancti Stephani Papae & Martyris secunda Augusti, a primis Vesperis usque ad occasum Solis festivitatis hujusmodi annuatim devote visitaverint, ac pro pace inter Principes Christianos conservanda ter Orationem Dominicam, & toties Salutationem Anglicam recitaverint, plenariam omnium, & singulorum peccatorum suorum indulgentiam, & remissionem.

Indulg. pro aliqui Militiae donantibus.

§.10. Qui vero de bonis sibi a Deo collatis unam ejusdem Militiae commendam fundaverint, vel dotaverint, aut Conventui, & Militiae praedictis ad ejus subventionem, & onerum illi incumbentium supportandorum faciliiori supportatione aliquid juxta facultatum suarum modum, piamque intentionem donaverint, vel legave-